

玉鑒

溪誠

編

事錄



玉 琴

洞 簫

尺 八

笛

笙 簧



玉
溪
編
事

撰人不詳

中
華
書
局

叢書集成初編

鑒 誠 錄（及其他一種）

中 華 書 局 出 版 發 行

（北京王府井大街三十六號）

秦皇島市資料印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

玉溪編事

此據龍威秘書本
排印初編各叢書
僅有此本

玉溪編事

蜀 撰人闕

仲庭預

舊蜀嘉王召一經業孝廉仲庭預令教授諸子。庭預雖通墳典，常厄饑寒。至門下，亦未甚禮。時方凝寒，王以舊火爐送學院。庭預方獨坐太息，以筯撥灰，俄灰中得一雙金火筯，遽求謁見王。王曰：「貧窮之士，見吾必有所求，命告庭預。」曰：「見爲製衣。」庭預白曰：「非斯意。」嘉王素樂神仙，多採方術，恐其別有所長，勉強而見。庭預遽出金火筯，陳其本末。王曰：「吾家失此物已十年，吾子得之，還以相示，真有古人之風。」贈錢十萬，衣一襲，米麥三十石，竟以賓介相遇，禮待甚厚，薦授榮州錄事參軍。

劉檀

王蜀員外郎劉檀，本名審義，忽夢一孝子引令上檀香樹而謂曰：「君速登。」劉乃登，遂向懷內出緋衣令服之。覺因改名檀。未及一年，蜀郡牧請一杜評事充倅職，奏授殿中侍御史，內供奉，賜緋敕下。杜丁憂不行，杜遂舉劉于郡侯。郡侯乃奏檀而所授官與杜充奏擬無別。是時劉方閑居力困，杜因遣劉新緋公服一領，果徵夢焉。

震旦

玉溪編事

南詔以十二月十六日謂之星回節。日遊于避風臺。命清平官賦詩。驃信詩曰。自我居震旦。翊衛類夔契。元昶同一心。子孫堪貽厥。清平官趙叔達曰。下令俚柔治。獻驟弄揀來。其國謂天下爲震旦。詞臣爲清平官。謂朕曰元。卿曰昶。百姓俚柔也。

參軍

王蜀相周庠者。初在邛南幕中。置司府事。時臨邛縣送失火人黃崇嘏。綴下獄。便貢詩一章曰。偶離幽隱住臨邛。行止堅貞比澗松。何事政清如水鏡。絆他野鶴向深籠。周覽詩遂召見。稱鄉貢進士。年三十許。祇對詳敏。卽命釋放。後數日獻詞。周極奇之。召於學院。與諸子姪相伴。善碁琴。妙書畫。翌日薦攝府司戶參軍。頗有三語之稱。胥吏畏伏。案牘麗明。周旣重其英聰。又美其風彩。在任將逾一載。遂欲以女妻之。崇嘏又袖封狀謝。仍貢詩一篇曰。一辭拾翠碧江涯。貧守蓬茅但賦詩。自服藍衫居郡掾。永拋鸞鏡畫蛾眉。立身卓爾青松操。挺志鏗然白璧姿。幕府若容爲坦腹。願天速變作男兒。周覽詩驚駭不已。遂召見詰問。乃黃使君之女。幼失覆蔭。唯與老娘同居。元未從人。周益仰貞潔。郡內咸皆歎異。旋乞罷歸。臨邛之舊隱。竟莫知亡焉。

祈泉

西蜀將王暉。任集州刺史。城中無水泉。值岐兵攻城。且絕其水路。城內焦渴。王公乃中夜祈請神應。及寐夢一老父告曰。州獄之下。當有靈泉出。王驚寤。遲明。亟命操鍤于所止之處掘之。乃有泉流。居人蒙活甚。

衆岐兵以城中無水將坐俟其斃王公命汲泉水于城上揚而示之其寇乃去是日神泉亦竭